

A vocum alias esse dicimus, & modo Dō-
ricam, modo Phrygiam vocitamus. Id si
ita est, patet quod maximē dicendum est
eandem ciuitatem, ad rem publicam re-
spicentes, nomine autem vocari alio,
aut eodem licet, eisdem habitantibus
eandem, vel aliis penitus hominibus. V-
trum autem iustum sit reddere pecuniam
mutuo sumptum, mutata reipublicz
gubernanda specie, an non iustum, alia est
dubitatio. CAPVT IIII.

B dubitatio. CAPVT IIII.

His vero quæ nunc dicta sunt, conse-
quæ est videre, utrum eadem sit vir-
tus boni viri, & boni ciuis, an non eadem.
Atque si hoc est perquirendum, prius de
virtute ciuis sub compendio considerate
oportet. Ut igitur nauta vñus aliquis est
eorum, qui sunt in communi societate,
ita & ciuem dicimus. Nautarum vero,
quanquam dissimiles sint secundum po-
tentiam (nam alter est remex, alter guber-
nator, alter proram dirigens, alter alteram
huiusmodi appellationem habens) patet
quod expressissimus vniuersusque ser-
mo proprius erit illius virtutis. Similiter
autem & commune quiddam conuenit o-
mnibus. salus enim & conseruatio nau-
gantium, commune est omnium opus. ad
hoc enim vñusquisque eorum intendit.
sic igitur & ciuib; licet dissimiles sint,
opus est conseruatio communis societa-
tis: societas vero est respublica, quapro-
pter necesse est virtutem esse ciuis ad
tempuplicam. Si quidem igitur plures
sunt rerumpublicarum species, patet non
esse recipiendum, ut studiosi ciuis vna
sit virtus, eaque perfecta, at viri boni per-
fecta est virtus. Quod igitur fieri possit,
ut ciuis studiosus non possidat virtu-
tem illam, per quam dicitur vir bonus,
manifestum est. **Quinetiam** & alio mo-
do inquirentibus, peruenire licet ad ean-
dem rationem circa optimam tempubli-
cam. Nam si impossibile est ex omnibus
studiosis esse ciuitatem: & oportet singu-
los opus suum benefacere, hoc au-
tem à virtute, si vero impossibile simi-
les esse ciues omnes: nequaquam vna es-
set virtus ciuis & viri boni. Nam virtu-
tem studiosi ciuis omnibus esse oportet.
sic enim optima foret ciuitas vtique. at
F viri boni virtutem impossibile est omnibus
esse, nisi necessarium sit in studio-
sa ciuitate ciues omnes esse viros bonos.
Præterea cum ex dissimilibus constet ci-
uitas, ut animal ex anima & corpori: